



মোহালিতে এন এ বি আই-সি আই এ বি - র নবনির্মিত দুই ভবনের দ্বারোদঘাটন করলেন কেন্দ্রীয় বিজ্ঞান , প্রযুক্তি ও পরিবেশ মন্ত্রী ড. হর্ষ বর্ধন জাতীয় কৃষি - খাদ্যজৈব প্রযুক্তি প্রতিষ্ঠান

Posted On: 08 AUG 2017 10:25AM by PIB Kolkata

জাতীয় কৃষি - খাদ্যজৈব প্রযুক্তি প্রতিষ্ঠান (এন এ বি আই) এবং উদ্ভাবনগত ও প্রায়োগিক জৈব প্রক্রিয়াকরণ কেন্দ্র (সি আই এ বি)- র আনুষ্ঠানিক দ্বারোদঘাটন করলেন কেন্দ্রীয় বিজ্ঞান , প্রযুক্তি , ভূবিজ্ঞান , পরিবেশ , বন ও জলবায়ু পরিবর্তন মন্ত্রী ড . হর্ষবর্ধন । ভারত সরকারের বিজ্ঞান ও প্রযুক্তি মন্ত্রকের জৈব প্রযুক্তি দফতরের প্রশাসনিক নিয়ন্ত্রণ শাখার অধীনে নবনির্মিত প্রশাসনিক ও গবেষণা ভবনের বাড়ি দু'টির অবস্থান পাঞ্জাবের মোহালিতে সেক্টর ৮১ - র সাহিবজাদা অজিত সিংহ নগরে । উদ্বোধনী অনুষ্ঠানে রবিবার কেন্দ্রীয়মন্ত্রী ছাড়াও কেন্দ্রীয় জৈব প্রযুক্তি দফতরের সচিব ড . কে বিজয় রামবন , চন্ডিগড়ে পাঞ্জাব বিশ্ববিদ্যালয়ের উপাচার্য অধ্যাপক অরুণকুমার গ্রোভার , এন এ বি আই - র নির্বাহী অধিকর্তা ড . টি আর শর্মা , সি আই এ বি - র মুখ্যনির্বাহী আধিকারিক ড . রাজেন্দ্র সিংহ সাসোয়ান সহ অন্য বিশিষ্ট ব্যক্তিবর্গ ।

ড . হর্ষবর্ধন নতুন ভবন দু'টি জাতির উদ্দেশে উৎসর্গ করে নিজের বক্তব্যে জানান , এই প্রতিষ্ঠানগুলিতে উন্নত গুণমানের গবেষণা ও অত্যাধুনিক যন্ত্রপাতি এবং পরিকাঠামোর যথাযথ ব্যবহারেই আসল সার্থকতা পাওয়া যাবে । বিশেষকরে এর সফল দেশের সাধারণ মানুষের কাছে পৌছানোর ওপরেই তিনি গুরুত্ব আরোপ করেন । তিনি একই সঙ্গে বিজ্ঞানী এবং শিক্ষার্থী, যাঁরা গবেষণার কাজে নিয়োজিত, তাঁদের জৈবপ্রযুক্তির বিভিন্ন উপাদানগুলিকে সমস্যা অনুসন্ধানে কার্যকর ব্যবহারের মাধ্যমে গুণগতমানের খাদ্য ও অপুষ্টির সমস্যা নিরসনে সর্বাত্মক সক্রিয়তার আহ্বান জানান । তিনি উভয় প্রতিষ্ঠানে বিজ্ঞান ও প্রযুক্তির আশির্বাদ কাজে লাগিয়ে ক্ষুধা ও অপুষ্টির অভিশাপমুক্তির প্রয়াসে নিয়োজিত হওয়ার জন্য এগিয়ে আসতে উৎসাহিত করেন । তিনি বলেন, জৈবপ্রযুক্তিগত উদ্ভাবনের মাধ্যমে পুষ্টি ক্রিয় নিশ্চিত করতে হবে । তবেই দেশেখাদ্য ও পুষ্টিগত নিরাপত্তা নিশ্চিত হবে বলে আশাবাদি অভিমত ব্যক্ত করেন ড. হর্ষবর্ধন ।

তিনি সেখানকার শিক্ষাজীবীদের সঙ্গে মতামত বিনিময়ের অবকাশেও নিতানৈমিত্তিক ভাবনা-চিন্তার বাইরে গিয়ে তাদের বড় সড় স্বপ্নদেখার মাধ্যমে ব্যাপকতার উদ্ভাবনী বিষয় মানুষের উপযোগী করে প্রয়োগের আহ্বান জানান । তিনি এজন্য সুনির্দিষ্ট সময়ের লক্ষ্যমাত্রা বেঁধে কাজ করার পরামর্শ দেন ।

প্রসঙ্গত: এন এ বি আই এবং সি আই এ বি নিজেদের বিস্তারিত পরিসরে গবেষণা ও উদ্ভাবনধর্মী কাজের পাশাপাশি বিভিন্ন উদ্ভুদ্ধকরণ ও সচেতনতার পাঠ্যক্রম এবং কর্মসূচি পরিচালনা করে কার্যকর উৎপাদনের মাধ্যমে আয় বাড়ানোর ব্যাপারে ইতিমধ্যেই গোটা দেশের জন্য প্রভাবশালী কাজে নিয়োজিত আছে । তাদের গবেষণার ফসল বিশেষ মৌ স্বাক্ষরের মাধ্যমে স্থানীয় শিল্পোদ্যোগীরাও ব্যবহারের ব্যাপারে আগ্রহী হয়ে উঠেছেন, বলাই বাহুল্য ।

(Release ID: 1498764) Visitor Counter : 2

Background release reference

ভারত সরকারের বিজ্ঞান ও প্রযুক্তি মন্ত্রকের জৈব প্রযুক্তি দফতরের প্রশাসনিক নিয়ন্ত্রণ শাখার অধীনে নবনির্মিত প্রশাসনিক

